

雖塵凡香隔仰星群以無階而天聽甚卑有心誠而必鑿丹襟所叩玄應攸彰巨項以災蒙偶逢艱梗道途阻塞骨肉支離因與切男兩地睽隔蒼惶相失音信莫通唯晝視長天夜瞻斗極冀其通感再獲團圓炷香而血液共垂拜手而心魂俱往果蒙昭祐遽歸還常懷再造之恩未答自天之澤競憂度日芒刺在躬今值玉局仙居錦都靈化下藏洞府上屬星躔盼望可期真靈明會輟投勝境願展醮祈將酬福祐之慈少違敬恭之禮行迴真鑒俯納塵心小男以壬子主生微臣以庚申定命常希聖力永賜保持法五行三命之災解宿度天文之厄得勤修勵克奉休明泰稷非馨真仙是鑒不任

廣成集卷之七

廣成集卷之八

敢六

上御大清萬世承慶皇帝聖體萬歲萬歲萬歲
川主令公南斗醮詞

伏聞天覆地載資大道以生成稟質早靈由至真而潛運用能彌綸不極生化無窮真宰主張玄功統御雖太虛遼邈劫層避長庶品誼闡九闡曠蕩刑政繁維分野幽深災陽攸司安危是繫皇運逢聖運塵忝恩榮授以節旄委之輔相地維巴蜀境控走靈懸無綏撫之能常切兢憂之懇况舉善輝慈須用賞刑伐叛誅兇仍施斧積戎犯有性怪之具賦與有徵督之勞有土有之蓋不得已實恐益材不當委任失宜因起怨咨速成災沴今又土星行度對照此方地一移官將離益部五鬼臨於坤位火曜躔於升宮又臣大運在衝破之鄉小運當命墓之歲木既薄弱火亦衰微天符臨於行年遊行達於絕命土方對照又在妻宮金火伏行亦居滯位木星憂愁煩之宿暗曜出乖背之方垂象至明陰陽有數得無警懼以自勵修尚恐過咎易深尤違旋積

因其愆失災及生靈省已耐心不違寧守自竊聞正陽之月丙午之辰是六星降鑿之期南斗定生之會滌瑕介福宥罪覃恩輒按明科願申昭謝請玄元真府玉局靈壇精備信儀肅虔香火普日月星辰之界遍山川海嶽之司咸罄丹心恭脩大醮伏冀迴無私之鑒垂不測之神降被南官盼茲下土共流真既俯察微誠解地分之災釋銷天文之謫見息三命五行之厄除九宮八卦之凶靜土星所照之方克承嘉祐樓地一將移之數允錫休禎恭元成保於永康穀稼必期於豐衍運營有泰四境無虞疫毒不侵戈鋒弭戢上願三光表瑞循黃道而福帝躬五緯順常扶紫微而拱玄樞龍圖永固鳳曆攸昌其有境主龍神山川祠廟共延祥祉用拯幽明至於地府陰關遊魂苦爽蛸翹飛走水陸沉潛仰承濟護之恩永享安寧之祐不任

川主周天南斗醮詞

伏以蜀之星躔上當鴉首蜀之分野下接坤維當申未之方在參井之度今以土星對照

金火正臨五鬼方寄於二官地一將移於益部恐政乖慈育法莫哀矜野有怨嗟人罹災膏又行年之內本命之中刑剋衰微慮成災厄敢以正陽令月丙午良辰虔備醮祈以申懺懺伏冀大開恩宥俯念精修解天文地分之凶去三命五行之咎曲迴禍貺永錫又安普傾求理之心以答好生之澤不任

川主周天地一醮詞

伏以天皇帝司察萬方太一十神巡遊八極垂災降福巨細無遺凡在君臣敢忘罔誠今以地一行位將出蜀鄉深虞刑政之間必有愆違之失唯增震惕備懺折虔修香火之儀用表依歸之懇伏願鑒其虔切錫以禎祥俾境宇安寧生靈蘇泰時和歲稔催業強弓克新憫祐之恩敢負照臨之賜

周常侍序周天醮詞

伏以道氣運行元和亭育分萬靈而布化垂列宿以麗天凡曰舍靈咸歸稟受仍俾主宰以定吉凶臣猥以庸虛叨承渥澤運籌藩閭慙無制勝之謀剖竹方州實蒙綏懷之績况

地連夷落境控巴賈短才常慮於闕遺雜俗尤難於撫諭惟精親慎獲保初終既卷準旗復依戎幕願恩榮而益厚在循省以何安憂畏所深疾恙因作每慮積生之始以洎此身三業構非六情結繫前竟未弭徃債所纏或理務之間賞刑不當幸茲之際故誤難明或天文宿度之中有逢臨照或三命五行之內有值刑衝又今年五鬼在於真官天符入於財位小運則丙極值墓大運則子水向衰金火行於身官網星加於驛馬皆為厄會倍切危疑所以疾苦之時冥心禱祝仰其銷解用展效酬今則萬聖垂慈眾真憫祐拯其疾厄賜以痊平仰玄造以知歸感鴻恩而上答披河圖真格詣玉局靈壇備蠲潔之儀設周天大醮星辰日月畢格誠祈地府天關通申昭謝伏願鑒臨丹懇采納素誠永錫吉祥克加濟護使罪尤除蕩算紀避長寬債和平災凶超度誓勤修奉以副玄慈不任

王宗球六甲醮詞

伏以大道凝華元幕布化肇分一氣品列五

材終始循環生成萬有上惟劫曆寶運數以推移下統人倫配吉凶而陶鑄稟形毓質成賴玄功早慕清虛志親沖漠獲參秘籙常冀遵修昨以奉使京華經途險遠每虞騰闕實有祝祈果蒙道力潛扶殊休密衛連秦甸有安貞之吉迴蜀城無敗累之憂仰感靈恩實思昭報今屬重陽懿節甲子佳辰虔備菲誠恭申醮禮伏冀神威俯鑒微願克酬採納丹襟頌宣洪澤使罪尤蠲蕩寬債和平災咎清消福祥臻會事親奉國常蒙憫護之恩守職進身永荷其靈之貺不任

孟彥暉西亭子南北斗醮詞

伏聞大道孕靈天尊演化乘機誕瑞命世降賢所以匡國濟時宣功利物稟星辰之正氣總欲濟之英華莫不受命上天疑神中土恢弘器業拯枯生靈臣以節度使瑯琊郡王生屬休期累承聖澤以武威扶持唐祚以忠節翼贊齊圖光啓中興克安天步貢賦常盈於內府明誠首冠於藩維推此勳備宜承禎祐今以誕生今序禱福佳辰輒備信儀虔修醮

禮儀太一祈真之品詣真人朝斗之壇香散
 虛庭燈繁靜夜傾心上奏其獲感通普垂象
 以冥思通真靈而照祝伏願星躔日域地局
 天司東聖迴光萬神昭鑒錫祥符而延巨貺
 闕書域而懋鴻勳永佐聖朝長扶帝座然願
 龍神叶贊川境安寧百教滋豐五兵韜戢俗
 洽和平之美年無災沴之虞動植幽明同臻
 道化不任

勇勝司空宗恪九曜醮詞

伏以大道垂慈萬靈分職陰陽布化星象垂
 文照燭幽明裁成品彙主張有度罪福無差
 臣獲以塵微仰蒙覆育諒叨寵祿早奉恩榮
 久統師徒仍分符竹實慮才輕任重福過災
 生夙夜兢憂不敢寧處又以今年行運天符
 入於中官寄王之方復臨大運沉疴馬為五
 鬼所對小運與大運相衝生月及本命之辰
 皆遇土星所歷遂成災疾未獲痊寧省已循
 復伏增憂懼竊聞天曹上聖主錄死生北斗
 南官司明罪福是敢披心瀝懇拜請希恩宥
 諸靈壇精修奏為雖物儀菲而誠願奉勸

伏惟萬聖聖專開恩鑒祐救臣積生罪咎解
 臣三命災凶落北斗之死名上南官之生錄
 銷平厄會和釋寃讎疾苦蠲除根算延益著
 勳修勵以答玄恩不任

街內宗榮本命醮詞

伏以大道生成陰陽亭育主張有度罪福無
 遺臣叨荷恩榮常增戒懼雖側身恩過省已
 捫心每虞操履之間難免纖微之失今年三
 命之內土木氣微行運之中命祿皆薄天符
 臨官祿之位遊年當絕命之方大運則土曜
 所加小運乃元辰所主計都居純滯之窟金
 星入乘背之鄉旦夕憂兢恐為災厄是敢按
 遵科典精潔醮祈望靈化以馳神仰玄穹而
 勵懇伏願天司地府九曜南官克鑒丹誠俯
 垂玄祐賜臣自新之澤救臣既往之非解五
 行三命之災銷列宿暗虛之厄罪殺清滌寃
 債和平遂推公去己之心傾奉主事觀之懇
 公私昭暢家眷康寧普及存亡咸希福利不
 任

徐耕司空九曜醮詞

伏聞天府地司主張命籍南宮北斗統錄死
 生三官持考校之文五帝頒裁成之籍願惟
 下土寔繫上玄況乎處世立身善功難著乘
 非蹈過罪目易盈早奉殊榮靡申續効或理
 務有刑章之失或專城有賞罰之是積尤違

於地府天曹結罪咎於星躔日域曾無悔謝
 莫逆蠲除又自行運之中方當厄會火星飛
 於小運天符入於中官水曜伏刑厄之鄰土
 星退愁煩之宿根火雖王辰土尚衰數年以
 來疾苦未減元元之懇實切憂惶竊惟上聖
 至其垂慈育物冥心注念有感必通輒遵香
 火之緣精展醮祈之禮虔誠悔過稽首希恩
 伏惟慈鑒庸微俯弘慈祐解已成之災厄赦
 既往之罪尤南斗延生北官落死潛增年算
 克賜又安疾瘳疹平春屬康泰即永荷衆聖
 再生罔極之恩不任

川主太師南斗大醮詞

伏聞大化權與元精判判生成天地陶鑄陰
 陽正三統以踰基投四時而成歲由是萬靈
 受職五氣分鍾天府地司領生校籍罪福以

之銓叙報應以之弛張毫末無遺古今不紊
況復上標躡次下制山河隨運曆而條舒因
恭揚而昭戒仰窺玄訓得不稟修臣夙荷天
慈克符齋焚峻台銜之位提斧鉞之權玉律
金科慮莫重輕之信五申三令慙非訓撫之
宜雖盡力臣若傾心許國剪長蛇而復宮闕
清巨稜而息戈矛再拔城池頓摧寨壘變蟻
結蜂蟻之俗穉為賓向化之人三蜀入寧四
民和穆實乃上資聖力明靈靈意猶恐政理
或虧罪瑕難運審已或違於道德遊心未契
於神明或分野災期或行年厄會臣今年小
運逢於劫教大運遇於天府土曜對於身宮
行年衝於命位每懷憂戚思展機祈竊以丙
午良辰是南斗降真之日六宮眾聖主籍是
司輒申醮酌之儀願速依歸之懇伏冀天關
流覽斗極延慈救既性之尤速錫將來之休
祐災凶弭息境寓安寧遠近昭蘇龍神轉睦
風雨均暢疾癘清銷以俗泰為嘉祥以年豐
為上瑞忠以扶於杜稷靜以答於神祇虔肅
丹誠上副玄澤不任

賈璋縣青城丈人真君詞

伏以岷蜀雄都西南巨鎮下蟠萬壑上拱九
清鳥造化之殊庭乃神仙之真府瑤宮瓊閣
深秘於洞壑翠壁丹崖仰呀於雲霧萬真之
所棲息上聖之所宴遊實掌休祥以福寰海
臣獲逢道化夙荷玄慈慙無塵芥之功難報
乾坤之德而立身處俗易結罪尤往世此生
寧無過咎五行三命恐值災乘屢次星文虛
為臨照或克辨所滯或償訟未明有一於茲
是用憂懼敢披心靈鳴首仙都懇備信
儀遙申禱祝伏願鑒其舟懸錫以玄恩使景
福潛資壽滌延並災凶銷蕩罪咎歸除究債
和寧採作繁永兼乞子孫嗣續宗緒昌隆普
傾虔奉之心以答仙靈之祐不任

蜀州宋夔為太師於丈人山生日贈

詞

伏聞道化裁成天元立極申命真華主張眾
靈於是乎賦命稟神流形擬質咸資籙籍以
繫上玄日荷大道生成感肅明倚注地分岷
楚任極鈞衡功業所彰未禱於造化恩榮所

錫已冠於古今況屬天步艱難真與省符恨
不得手扶策極身衛帶車克定乾坤重清日
月永安大寶以致中興唯叩具靈其扶忠節
仰惟青城巨鎮天國仙都群聖依棲列具統
制必能振揚神力驅役陰兵湯災運而靜中

原拯橫流而臣大業爰遵祕格虔啟醮壇願
迴不測之威以介無疆之福使妖氛寧息帝
祚隆昌風曆龍圖天長地久臣積生咎累未
兆災蒙因此懺祈咸希消解臣今年大小二
運俱在百卿與命辰對衝又火星所照既臨
分野仍在身宮土曜厄會之方金伏赤背之
宿年臨三殺之位仍當六害之門恐災咎所
加伏深憂惕惟懇醮酌以達精虔所祈災歎
剋平忠誠大展盡報主酬君之帝成推究定
難之謀先佐聖朝實符靈祐不任

宴設使宗汝九曜醮詞

伏以二象炳靈三元運化稟形純質仰資大
道之仁賦命受生率荷神明之德臣復承玄
廢叨偶休期累忝恩榮戴履職祿願勤勞而
未立感寵澤以殊深而慎行謹身敢忘惕勵

運心屬念高虛曠遺況所至重難務當宰膳
 宴賓搗士須備才差撫衆訓戎時行機實賢
 恐刑章之內或與於重輕虐割之中寧無於
 故誤因成寃債遺積罪瑕或往世此生宿愆
 未解五行三命厄運未祛今年則暗曜土星
 在身官之上天符五鬼臨行運之方大星近
 刑厄之官金星躔剋性之位忽成疾苦久未
 痊除伏恐災谷方深和祈無所竊惟至真濟
 物大道好生廣開禳謝之門俯示感通之力
 是敢按遵科典虔感醮壇遍九曜以披心瞻
 列星而瀝懇伏冀天光下鑒聖造旁資解故
 傷誤紱之寃赦積世他生之罪銷平厄會清
 蕩災凶六氣宣通百病痊復續將畫之福祿
 祚增延賜再生之恩算命避益公私昭泰眷
 屬又安仰望玄慈不任

遂府相公周天醮詞

伏以虛無大道孕育於群生天地萬神主張
 於庶品至于誕形聖氣垂象縱靈威資鼓鑄
 之功率賴生成之力臣內惟涼德夙荷道慈
 勳勞未贊於聖朝寵遇已隆於藩翰華旗龍

節疊秦殊榮相印兵符頻叨厥獎顧茲虛薄
 實切憂兢每慮賞罰不明刑章不當舉措有
 乖於理體綏和未叶於物情與修有土木之
 煩宴犒有烹燔之費故傷誤殺往債宿寃兼
 此罪尤成其謹貴或五行三命暗曜列星共
 結災纏遂為疾厄尚未痊復倍用驚危臣今
 年大運居衰氣之鄉小運在馬破之位木星
 退身官之上土星照三合之方金水二星臨
 乖背之宿飛天火曜居本命之辰九宮土星
 復當生月親此災運深切禱祈是敢按靈寶
 玄科河圖秘格設周天大醮懺謝上玄伏冀
 萬聖感通衆神昭鑒納其懇志介以福祥解
 宿債前寃赦深災重過續其祚祿增其壽年
 五星四景之中永銷危厄天府地司之內別
 注休禎所疾蠲平克賜安豫益堅忠孝上奉
 君親即仰荷衆尊祐護之恩不任

親隨為大王修九曜醮詞

臣聞垂象炳靈代天行化發揮道用昭著神
 功粵自判判之初即顯司明之力生靈動植
 咸賴玄恩臣復稟天慈深叨帝澤功業未酬

於覆載寵榮已冠於人臣常慮絃無乖宜賞
 刑有失金科玉律或與於哀矜伐叛誅兇或
 輕於鈇鎖前代之寃讎未解此生之過咎旋
 彰以此省循常懷震傷又臣今年大小一運
 俱值對衝首尾蝕神皆為臨照支干火木在
 衰氣之中天符飛行居驛馬之上併為災滯
 尤切憂惶近則微恙所嬰尚未痊復希恩謝
 過倍切禱祈輒因本命之辰虔誠奏懺伏惟
 至聖俯鑒丹襟赦已往之罪瑕解將來之厄
 會增延算祿和釋寃疑得以登竭微衷扶持
 大寶撫安疲俗匡讚中興誓傾修勵之心永
 答真靈之貺不任

廣成集卷之八